



麻糍

庄跤人蹠佇揷貼的山邊，加減攏有飼狗仔，是濟少爾。一來鬥顧厝兼掠蛇，二來較袂孤單無聊。就是這個緣故，我佇園仔內嘛飼三隻來佱阮做伴。逐工看個無煩無惱咧從來從去，連我都欣羨甲想欲佱個要參落去。料袂到彼隻上顧家的白狗仔，佱一尾歹扭搦的飯匙銃揷十插分，煞無張持過往去。阮規家口仔攏毋甘搖搖，連繼幾若工起毛糰甲袂清心、無自在。閣較害的是文雄佱秀珠，見若講著「阿白」攏隨喉湏，就知影伊敢若一个阮厝內的人全款，較加嘛凝心、鬱卒袂煞。

是毋是過頭數念的緣故，文雄佱秀珠閣去斗南鎮一間獸醫遐抱一隻誠古錐的白狗仔轉來。彼種有透淡薄仔肉色毋是純白的外形，就共號做「麻糍」。該當有合，你一聲、我一聲叫甲親辱辱，煞叫牢咧。

論真來講，拄才出世的狗仔囡，身軀肥軟仔肥軟、圓棍棍的漢草，行路開跤那搖那越的範勢，佱白泡泡、幼麵麵拄才會曉行路的囡仔疔，袂輸全一个粿模印出來彼一樣，若有精差嘛無蓋濟。

伊猶會趁另外彼兩隻烏狗仔佇園仔內走相逐、揷拚的時陣，親像碌碌馬按呢綴佇尻川後直透從。盍會知影跤短身軀矮，仙逐都袂著。就準講予大隻狗挨甲翻翻輾、拋車輪，攏無喙(kainn)甲半聲隨翻身追參落去。我是看甲笑袂出來，足想欲共摺來惜惜咧。

食飯的時間，我驚伊從去佱烏狗相搶食，三隻分做三个所在共鍊起來，一隻一碗隨人的隨人好，才袂撞突。盍會知影干焦先倒大隻的飼料，極加是蹉兩三秒爾，做押尾的細隻就躡起躡落吠甲嚇嚇叫，親像使話拄咧喝無平棒按呢，真正是枵饞甲有賄。閣較壓霸的是食四秀仔的時陣，大的會讓細的，反顛倒細的攏無咧讓，才是僥倖。

人講細隻飼的狗仔較會全心，得人疼。啊若大隻才掠來飼的，性癖早都牢入骨，袂受教。總是這攏猶小局爾，毋管早飼抑是晏掠，捌飼過狗仔的人攏知影，個的顧家、盡忠顛倒無人會懷疑才是上大齣的。向望伊會當趕緊大漢，佱阮規家伙仔做伴，求平安順序逐工樂暢過日就好矣。

作者：藍春瑞

☆詞彙學習☆

- | | |
|------------------------------|---------------------------|
| 【飯匙銃】pāng-sī-tshing：眼鏡蛇 | 【翻翻輾】kō-kō-liàn：不停的翻滾。 |
| 【毋甘搖搖】m̄-kam-tiuh-tiuh 非常不捨。 | 【拋車輪】pha-tshia-lin：翻筋斗 |
| 【起毛糰】khí-moo-bái：情緒不好；源自日語。 | 【蹉】thōng：拖延 |
| 【過往】kuè-óng：過世 | 【嚇嚇叫】heh-heh-kiò：喧鬧的聲音。 |
| 【喉湏】âu-tinn：悲傷哽咽 | 【使話拄】sái-uē-tú：抗辯 |
| 【較加】khah-ke：難怪 | 【平棒】pēnn/pinn-pāng：公平、公正。 |
| 【親辱辱】tshin-hòo-hòo：熱絡 | 【枵饞】iau-sài：貪吃 |
| 【圓棍棍】inn-kùn-kùn：圓而結實。 | 【懷疑】giâu-gî：懷疑 |